



**«ԻՆՏԵՐԱԿՏԻՎ ԿՐԹՈՒԹՅԱՆ  
ԶԱՐԳԱՑՈՒՄ»  
ՀԻՄՆԱԴՐԱՄ**



**ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ  
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ  
ԴԱՍԸՆԹԱՑ 2022**

**ՀԵՏԱԶՈՏԱԿԱՆ ԱՇԽԱՏԱՆՔ**

**ԹԵՄԱ` Առաջին դասարանցիների ազգային և համամարդկային արժեքների ձևավորումը գրաճանաչողության գործընթացում**

**ԱՌԱՐԿԱ` մայրենի**

**ՀԵՂԻՆԱԿ` Սվետլանա Ալեքսանյան**

**ՄԱՐԶ` Երևան**

**ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ` <<Շ.Շահամիրյանի>> կրթահամալիր**

**Երևան 2023**

## Բովանդակություն

Ներածություն.....	3
Գրական ակնարկ	
Գլուխ 1 Գրաձանաչության մեթոդիկայի ընդհանուր բնութագիրը	
1.1 Գրաձանաչության մեթոդները հայ դպրոցում.....	5
1.2 Գրաձանաչության ժամանակակից մեթոդները.....	6
Գլուխ 2 Ազգային և համամարդկային արժեքների ձևավորման ուղիները առաջին դասարանցիների ուսուցման գործընթացում	
2.1 Ազգային և համամարդկային արժեք հասկացությունները դպրոցականների արժեհամակարգում.....	13
2.2. Դասապլանների մշակումը և փորձարկումը մայրենիի դասաժամերին.....	18
Եզրակացություն.....	24
Օգտագործվող գրականության ցանկ.....	25

## Ներածություն



*«Բավական չէ ազգասեր ու հայրենասեր լինելը, պետք է մի քիչ էլ լեզվասեր լինել, պետք է սիրել, պաշտել, զգվել հարազատ մոր հարազատ լեզուն. այս սերը միայն կբանա մեր առջև մեր լեզվի անհատնում ճոխությունը, նրա նրբությունը և քաղցրությունը»:*

*Միքայել Նալբանդյան*

**Թեմայի արդիականությունը:** Արդի մարտահրավերների պայմաններում պետականության ամրապնդման համար չափազանց կարևոր է ոչ միայն ժամանակակից, քաղաքական-տնտեսական և շուկայական հարաբերություններն ու օրենքներն ըմբռնող, այլև ազգային մտածողություն ու հայեցի դաստիարակություն ունեցող սերնդի կերտումը: Այսօրինակ իրավիճակներում անփոխարինելի է դպրոցների դերակատարությունն ազգային-ավանդական արժեքների պահպանման, փոխանցման գործում: Ժամանակակից դպրոցի կարևորագույն առաքելություններից մեկն էլ երեխայի մեջ իր ազգին բնորոշ բարոյական և հոգևոր արժեքների ձևավորումն ու զարգացումն է: Վերջիններս այն հենասյուներն են, որոնք ապահովում են մտավոր ներուժով հարուստ սերունդ ունենալու, ազգային և համամարդկային մշակութային արժեքները պահպանելու և սերնդեսերունդ փոխանցելու, արժեքային կայուն հայացքներ ունեցող, ազգին նվիրված քաղաքացիներ դաստիարակելու, կրթելու գործընթացը: Յուրաքանչյուր ուսուցիչ պետք է հետամուտ լինի ուսուցման գործընթացի կատարելագործման, արդիականացման արդյունավետ ուղիների որոնմանը, ինչը հետաքրքիր կդարձնի դպրոցականների կրթությանն և դաստիարակությանն ուղղված մանկավարժական գործընթացը: Տարրական դպրոցում մայրենիի ուսուցման գործընթացում անհրաժեշտ է կարևորել ոչ թե գիտելիքների մեծ ծավալի հաղորդումը, այլ հետազայում երեխաների բարձրակարգ մտածողության ձևավորման համար պիտանելիությունը: Ուսուցման և դաստիարակության գործընթացք պետք է իրականացվեն միաժամանակ, մեկը մյուսից բխելով: Մայրենի

լեզվի տարրական դասընթացի խնդիրը կրտսեր դպրոցականների  
լեզվամտածողության և տրամաբանության, մտածելակերպի, ուսումնառության և  
համագործակցային տարրական կարողությունների, համակեցության պարզ  
կանոնների ձևավորումն է, ազգային և համամարդկային արժեքների  
դաստիարակությունը:

**Հետազոտության նպատակը`** աշակցել գրաձանաչողության գործընթացում ազգային  
և համամարդկային արժեքների ձևավորմանը առաջին դասարանում:

**Հետազոտության խնդիրները`**

- Ուսումնասիրել գրաձանաչողության ժամանակակից մեթոդները և դրանց  
առանձնահատկությունները:
- Մշակել դասապլանի օրինակներ, որի արդյունքում աշակերտների մոտ  
կձևավորվեն ազգային և համամարդկային արժեքներ:
- Հասկանալ և վերլուծել դասի վերջնարդյունքները:

**Օգտագործված մեթոդներ** - գրականության ուսումնասիրություն, մանկավարժական  
փորձարկում, դիտարկում :

# ԳՐԱԿԱՆ ԱԿՏԱՐԿ


## Գլուխ 1 Գրաձանաչողության մեթոդիկա

### 1.1 Գրաձանաչողության մեթոդները հայ դպրոցում

Հայ դպրոցն ունի գրաձանաչության մեթոդների հարուստ գանձարան, որը վկայում է հայ ժողովրդի, հայ մտավորականների՝ աճող սերնդի կրթության, ասել է՝ ազգապահպանման նկատմամբ պատասխանատու վերաբերմունքի առկայությունը:

Այսօր ևս անըդհատ պրպտումներ են կատարվում գրաձանաչության աղյուսավետ մեթոդների և դրանց իրականացման եղանակների մշակման ուղղությամբ: Մասնավորապես ուշագրավ է սփյուռքի հայկական կրթօջախներում սովորող երեխաների համար նոր այբբենարանների, մայրենիի դասագրքերի ուղղությամբ ազգանվեր շարժումը:

Հայ դպրոցում գործադրված գրաձանաչության մեթոդներից շատերը կարճ կյանք են ունեցել, սակայն մի մասից առանձին տարրեր այսօր էլ դեռևս օգտագործվում են աշխարհի տարբեր անկյուններում ապրող հայ մանուկներին գրաձանաչ դարձնելու գործընթացում: Այս իմաստով գրաձանաչության մեթոդիկայի ճիտը օգտագործումը կապահովի գործընթացի արդյունավետությունը:



### 1. Հնչական կամ պատմական մեթոդ

Հիմնադիրն ու տարածողը Մեսրոպ Մաշտոցն էր:Ըստ Սեդրակ Մանդինյանի՝ գրաձանաչության պատմության վաղ շրջանում գործադրվել է հնչական մեթոդը:«<<Հայոց գիրը ոչ թե պատկերագրություն կամ նկարադրոշմ գրություն է, այլ հնչյունների նշան: Յուրաքանչյուր ձայն յուր սեփական նշանն է ստացել: Սկզբներում մեր այբուբենը մեծ կատարելություն պիտի ունենար այնպես,որ այն ժամանակ գրության համար միայն մի կանոն կարող էր լինել. գրի՛ր, ինչպես որ դու հնչում ես>>: Խ. Աբովյանը սովորեցնում էր ճանաչել և գրել բոլոր տառերը՝ յուրաքանչյուր տառի ուսուցումը կապելով նրա հնչյունի հետ:

### 2. Գրկապության կամ տառանունների մեթոդ

Այս մեթոդը հայ դպրոցում տիրապետել է մինչև 19-րդ առաջին կեսը:Այս մեթոդով գրաձանաչության ուսուցման ժամանակ երեխաներին սովորեցնում էին տառանունները և ճանաչել տալիս դրանց տառերը: Որևէ բառ կարդալու համար աշակերտները նախ պետք է ասեին այդ բառի մեջ մտնող տառերի անունները,ապա դրանք իրար կապելով՝արտասանեին բառը:

### 3. Վանկային մեթոդ

Այս մեթոդով երեխաներին գրաձանաչ դարձնելիս իբրև կարդալու ամենափոքր միավոր ընդունվում էր վանկը: Այբբենարաններում օգտագործվում էր վանկերի նշան մի քանի եղանակ՝ բառի վանկերը գրվում էին իրարից անջատ՝ ժա մա ցույց,փոքրիկ գծիկով բաժանված /ժա-մա-ցույց/կամ ամբողջական՝ օգտագործելով աղեղանման գծեր:

### 4. Նորմալ բառերի մեթոդ

Գրել-կարդալ սովորեցնելուհամար երեխաներին առաջարկվում էին իրարաից անկախ, ինքնուրույն,պարզ և հեշտընկալ բառեր,բացատրվում էր դրանց իմաստը, որը նպաստում էր այդ բառերը առանց դժվարության ընթերցելուն:Այնուհետև կատարվում էր հնչունային վերլուծություն, ապա այդ բառը գրվում էր գրատախտակին, ուշադրություն էին դարձնում նրա կազմի մեջ մտնող յուրաքանչյուր տառի:Այնուհետև յուրաքանչյուր տառը և ամբողջ բառը գրվում էր օդում կամ սեղանի վրա:Այդ կարողությունների ձևավորումից հետո սովորած

հնչյուններն ու տառերն օգտագործվում էին ծանոթ հնչյունների և տառերի կապակցության մեջ կամ դրանք ավելացվում էին արդեն ծանոթ բառերի վրա՝ նոր բառեր ստանալու համար: Օրինակ՝ մատ-արմատ, ութ-թուր և այլն:

#### 5. Օրգանական մեթոդ

Այս մեթոդի հիմնադիրն է Սեդրակ Մանդինյանը, նա հրաժարվեց իր առաջադրված հնչական մեթոդից և վերակազմեց << Նոր այբբենարան օրգանական մեթոդով >> դասագիրքը: Այս դասագրքում բաղաձայնները անկախ հնչյուններ չէին համարվում, իսկ կարդալու ժամանակ բառի մեջ հենակետեր էին դրվում: Առանձին և անկախ էին ուսուցանվում միայն ձայնավորները, իսկ բաղաձայնները ուսուցանվում էին ձայնավորների հետ, որպեսզի դրանք արտասանվեն մաքուր: Նա գտնում էր, որ երեխային գրել սովորեցնելը հարկավոր է սկսել միայն այն ժամանակ, երբ նրա մեջ ծագել է գրելու ցանկություն:

#### 1.2 Գրաձանաչության ժամանակակից մեթոդները և փուլերը

Գրաձանաչության ուսուցման մեթոդիկայի պատմական զարգացման գործընթացում մեկը մյուսին փոխարինել են տարբեր մանկավարժահոգեբանական հիմնավորում ունեցող մեթոդներ:

Այսօր հայ իրականության մեջ գործում են գրաձանաչության ժամանակակից՝

- վերլուծական-համադրական հնչյունավանկայն
- վերլուծական-համադրական հնչյունաբառային մեթոդ

Գրաձանաչության ուսուցումը կազմակերպելիս պետք է հաշվի առնել ուսուցման մատչելիությունը, զննականության, հաջորդականության, պարզից դեպի բարդ, ծանոթից անծանոթը գնալու և անհատականության սկզբունքները: Գրաձանաչության ողջ գործընթացում պետք է պահպանել մանկավարժահոգեբանական մի քանի պահանջներ.

- Դասի որոշակի փուլերում ուսուցիչը պետք է բացատրի աշակերտներին, թե իրենք ինչ պիտի անեն այդ պահին իսկ աշխատանքի ավարտից հետո պետք է ամփոփի՝ ինչ արեցին և ինչ սովորեցին:
- Աշակերտներին տրվող առաջադրանքները, հարցերն ու բացատրությունները պետք է ձևակերպվեն հակիրճ, հստակ, հասկանալի բառերով, պահպանելով մատչելիության սկզբունքը:

- Օգտագործել համագործակցային և խաղային տեխնոլոգիայի առավելությունները:
- Օգտագործել ուսուցման այնպիսի մեթոդներ, որոնք կնպաստեն ուսուցման մատչելիությանը և հետաքրքրաշարժությանը, առանց աշակերտներին ծանրաբեռնելու՝ ուշադրությունը կետրոնացնել դասին:
- Դասը պլանավորելիս անհրաժեշտ է ուշադրություն դարձնել յուրաքանչյուր սովորողի պատրաստակամության մակարդակը:

Գրաձանաչությունը սովորաբար կազմակերպվում է երեք շրջանով.

- Նախաայբբենական շրջան,
- Այբբենական կամ գրուսուցման շրջան,
- Հետայբբենական շրջան:

Այսպիսով ուսուցման գործընթացը պետք է համապատասխանի չափորոշչային պահանջներին, պետք է ձևավորել լեզվական գրագիտություն և կարողունակություն. սովորողները տիրապետում են հայոց լեզվին, գրավոր և բանավոր կերպով գրագետ հաղորդակցվում են մայրենի լեզվով:

Համամարդկային և ազգային արժեքների ձևավորումը չափորոշչային պահանջ է, որը պետք է ձևավորել տարրական դպրոցից : Մշակութային կարողունակությունների զարգացման շնորհիվ սովորողները ձանաչում են հայ մշակույթն ու մարդկային քաղաքակրթությունների մշակութային բաղադրիչները՝ որպես մարդկային զգացմունքների և գործողությունների կողմնորոծիչներ: Նրանք արժևորում են սեփական ինքնությունը, ընտանիքի, համայնքի և պետքության դերը:

Ժողովրդական և քաղաքացիական կարողունակություն. նրանք ձանաչողության միջոցով ձևավորում են սեր հայրենիքի նկատմամբ:

Ինքնաձանաչողական և սոցիալական կարողունակություն. սովորողներն ընդունակ են ինքնանդրադարձման և ինքնակազմակերպման միջոցով ձգտել ինքնաձանաչման:



Նախաայբբենական շրջան	Այբբենական շրջան	Հետայբբենական շրջան
<p>Այս շրջանում լուծվում են ուսուցման այդ փուլի մանկավարժահոգեբանական ուսումնասիրությունների արդյունքների հիման վրա մշակված գրաճանաչության շրջանի բովանդակությամբ և մեթոդներով</p> <p>Նախադպրոցական տարիքի երեխաների տարիքային առանձնահատկություններով պայմանավորված որոշակի խնդիրներ:</p> <p>Որոնք բաժանվում են երկու խմբի.</p> <ul style="list-style-type: none"> <li>➤ Կազմակերպական             <ul style="list-style-type: none"> <li>• Աշակերտներին ծանոթացնել նրանց համար նոր ուսումնական գործունեությանը.</li> <li>• Մանկական կոլեկտիվի ստեղծում,</li> <li>• Ծանոթություն ուսուցչի հետ, կրթական հաստատության կարգուկանոններին և այլն:</li> </ul> </li> <li>➤ Ուսումնական             <ul style="list-style-type: none"> <li>• Ուսուցման</li> </ul> </li> </ul>	<p>Այս շրջանի կրթադաստիարակչական խնդիրներն են.</p> <ul style="list-style-type: none"> <li>• Ուսուցանել հայրենի բոլոր հնչյուն-տառերը,</li> <li>• Սովորեցնել ճիշտ համադրել հնչյունները և տառերը</li> <li>• Գոծնականորեն յուրացնել վայելուր գրելու կանոնները</li> <li>• Ջարգացնել ընթերցասիրության և նկատմամբ սեր և հետաքրքրություն</li> <li>• Ձևավորել ընթերցողական տարրական ունակություններ,</li> <li>• Ջարգացնել հայերեն խոսքն ու հայեցի մտածողություն,</li> <li>• Իրականացնել ճանաչողական ,դաստիարակչակ</li> </ul>	<p>Այս շրջանի կրթադաստիարակչական խնդիրներն են.</p> <ul style="list-style-type: none"> <li>• Ջարգացնել այբբենական շրջանում ձեռք բերած հասկանալով և վերլուծելով կարդալու կարողությունները,</li> <li>• Կատարելագործել ինչպես վայելչագրական, այնպես էլ ուղղակագրական կանոններին համապատասխան գրելու կարողությունները,</li> <li>• Ջարգացնել բանավոր կապակցված խոսք,</li> <li>• Համկարգել և ամփոփել գրաճանաչողության նախորդ</li> </ul>

<p>գործընթացում աշակերտների կարողությունների, հմտությունների գիտելիքների սահմանների բացահայտումը՝ նախ աայբբենական շրջանի վերջում:</p> <ul style="list-style-type: none"> <li>• Երեխաների պատրաստականության աստիճանի բացահայտումը:</li> </ul> <p>➤ Գրաձանաչողության նախաայբբենական շրջանի դասերին ներկայցվող մանկավարժամեթոդական պահանջները.</p> <ul style="list-style-type: none"> <li>• Դասը կազմակերպելիս հաշվի առնելու աշակերտի տարիքային հոգեֆիզիոլոգիական առանձնահատկությունները, ուշադրության և հիշողության առանձնահատկությունները: Դասի ընթացքում</li> </ul>	<p>ան ,զարգացնող աշխատանքներն պաստելով աշակերտի անձի ներդաշնակ զարգացմանը:</p> <p><b>Գրելու ուսուցումը աայբբենական շրջանում.</b></p> <ul style="list-style-type: none"> <li>• Ջարգացնել գրենական պիտույքներից օգտվելու կարողությունները</li> <li>• Ջարգացնել տառապատկերներն ընկալելու և դրանք տեսողում տրված օրինակաի համձայն գրելու, այնուհետև ինքնուրույն գրելու կարողությունները</li> <li>• Տեքստից ձեռագիր արտագրելու կարողությունն և այլն:</li> <li>• Վարժությունների օգնությամբ զարգացնել և ամրացնել ձեռքի մկանները:</li> </ul>	<p>փուլերում ձեռք բերված գիտելիքներն և կարողությունները</p> <ul style="list-style-type: none"> <li>• Ջարգացնել աշակերտների բարոյականային որակներըն</li> <li>• Դաստիարակել ազգային և համամարդկային գծեր, ընդլայնել ախարհի մասին ունեցած նրանց պատկերացումները:</li> </ul>
---	---	--

<p>անհրաժեշտ          ժամանակն առ          ժամանակ փոխել          գործունեության          ձևերը :</p> <p>➤ Գրաձանաչության          նախաայբբենական          շրջանիում          իրականացվող          աշխատանքի          բովանդակությունը:</p>		
---	--	--

**Գլուխ 2 Ազգային և համամարդկային արժեքների ձևավորման ուղիները  
 առաջին դասարանցիների ուսուցման գործընթացում**

**2.1 Ազգային և համամարդկային արժեք հասկացությունները կրտսեր  
 դպրոցականների արժեհամակարգում**

Ամեն մի ժողովրդի կյանքում դաստիարակության խարիսխը, մարդկային բանականության հաստատման համար միակ ճշմարիտ ճանապարհը այնպիսի քաղաքացու ձևավորումն է, որն իր մեջ կկրի իր իսկ ազգին հարիր, իր նախնիներից ժառանգած ազգային արժեքները: Նոր սերնդի արժեհամակարգի ձևավորման, կրթության և դաստիարակության գործում լուրջ անելիքներ ունի նաև հայ դպրոցը, որի գերնպատակն է կերտել բարոյական, ազգային արժեքներով օժտված, ազգային նկարագիր ունեցող սերունդ:

Այսօր շատ կարևոր է կրտսեր դպրոցականների արժեքային կողմնորոշումների ձևավորման էության բացահայտումն ու զարգացումը: Կրտսեր դպրոցականների արժեքային կողմնորոշումների ձևավորման էության բացահայտումը մանկավարժական ներգործության տեսանկյունից ենթադրում է այդ գործընթացի դիտարկումը նրա բովանդակային բաղադրատարրերի ամբողջության մեջ: Ուսուցման պայմաններում արժեքային կողմնորոշումների ձևավորման գործընթացն երկկողմանի բնույթ ունի. այդ գործընթացի արդյունավետության վրա ազդում են և՛ արժեքների յուրացման նկատմամբ սովորողների մղումն ու ակտիվ գործունեությունը , և՛ այդ գործընթացը կազմակերպող ուսուցչի գործունեությունը:

Սովորողների մեջ արժեքային կողմնորոշումների ձևավորման իրականացման գործընթացի բովանդակային կողմը ներառում է նրանց հոգեկանում գերակա արժեքները, ինչպես նաև մանկավարժական ներգործության միջոցների համալիրը, որն ակտիվացնում է դպրոցականի՝ արժեքների յուրացմանը միտված գործունեությունը: Տարրական դպրոցում ուսուցման բովանդակության մեջ արժեքների ընտրությունն ու ներմուծումն իրականանում են դրանց համակարգման հիման վրա:

Այսպիսով արժեքները պետք է հարմարեցնենք կրթության բովանդակությանը և ուսումնադաստիարակչական գործընթացի կազմակերպմանը, մշակված է նաև տարրական կրթության բովանդակության յուրահատկության և կրտսեր դպրոցականների տարիքային առանձնահատկությունների հաշվառումը: Այս մոտեցումն առավելագույնս արտահայտում է մեր կողմից քննարկվող հիմնախնդրի առանձնահատկությունները: Կրտսեր դպրոցականների արժեքային կողմնորոշումների ձևավորման բովանդակությունը բնութագրվում է միասնական խնդիրների լուծմամբ: Կրտսեր դպրոցականների տարիքային առանձնահատկությունները՝ արժեքային կողմնորոշումների ձևավորման առումով այնպիսին են, որ հնարավորություն չեն ընձեռում տարրական դպրոցի ուսումնական գործընթացում ներառել բոլոր արժեքները: Այստեղ առաջնային նշանակություն են ձեռք բերում նրանց հասկացողությանն ու հոգեբանությանը մատչելի, արդիական արժեքները: Կրտսեր դպրոցականների արժեքային կողմնորոշումների ձևավորման բովանդակության մեջ, պետք է արտացոլվեն այնպիսի արժեքներ, որոնք ընտրված են տարրական դասարաններում ուսուցման գործառույթների և նրանց ուսուցման նպատակների հարաբերակցության հիման վրա, հաշվի առնելով սովորողների արժեքակողմնորոշիչ և տարիքային առանձնահատկությունները: Արժեքային կողմնորոշումների ձևավորմանն ուղղված գործունեության կազմակերպումը չի սահմանափակվում միայն տվյալ դեպքում կրթության բովանդակության մեջ այս կամ այն արժեքի ներմուծմամբ: Այն ենթադրում է մանկավարժական ներգործության ակտիվ ձևերի ու միջոցների օգտագործումը: Արժեքային կողմնորոշումների ձևավորման նպատակով անձի վրա արտաքին ներգործության բազմազանության մեջ առավել հաճախ են առանձնացվում այդ գործընթացի իմացական, ճանաչողական, աֆեկտիվ և՝ վարքային բաղադրատարրերը. Դա բազմիցս արտացոլվում է մանկավարժական և հոգեբանական հետազոտություններում: Իմացական բաղադրատարրերը հանդգնում են, պատկերացումների,

կարծիքների ամբողջությունն է, որը ձևավորվում է իմացական – ճանաչողական գործընթացների, սոցիալական փորձի արդյունքում: Արժեքային կողմնորոշումների ձևավորման գործընթացի իմացական ճանաչողական, և վարքային բաղադրատարրերը ներառում են արժեքային օբյեկտի հետ կապված հույզերը, ապրումները, զգացումները: Վարքային բաղադրատարրը ներկայացնում է անձի վարքային դրսևորումները, դրդապատճառները, կողմնորոշումները, միտումները: Քանի որ այս բնութագրիչները միասնական գործընթացի բաղադրիչներ են, դրանք փոխալայմանավորված են և անձի կառուցվածքում կայուն հարաբերակցության են ձգտում [1, 5]: Բաղադրատարրերից մեկի փոփոխությունը կարող է հանգեցնել անձի արժեքային ողջ համակարգի փոփոխության [2]:

Կրտսեր դպրոցականների արժեքային կողմնորոշումը սկզբնական շրջանում ձևավորվում է սուր աֆեկտային վիճակների հետևանքով՝ առանց որևէ իմացաճանաչողական էական հիմնավորումների: Այդ տարիքում երեխան բախվում է շատ արժեքների հետ, որոնք անհրաժեշտ է յուրացնել: Ս. Ի. Մասլովը գրում է՝ «Մի շարք պատճառներով անհնարին է իրականացնել արժեքների յուրացումն իմացական գործընթացների միջոցով: Նախ՝ ժամանակը պարզապես չի բավականացնի, երկրորդ՝ շատ արժեքներ անհասանելի են երեխայի գիտակցությանն ու հասկացողությանը: Այդ տարիքում հուզական ընկալման միջոցով երեխան կարող է յուրացնել շատ արժեքներ» :

Ըստ Ս. Ի. Մասլովի կրտսեր դպրոցականների կողմից արժեքների յուրացումն իրականանում է երեք աստիճաններով.

1. առաջին աստիճանը կապված է օբյեկտի հուզական ընկալման հետ. Սկզբում երեխան ցանկացած օբյեկտ ընկալում է հուզականորեն՝ իր հուզական- զգայական ոլորտի մակարդակի համեմատ,

2. երկրորդ աստիճանը կապված է ընկալվող օբյեկտի անձնական և հասարակական նշանակության գիտակցման հետ

3. երրորդ աստիճանում իրականանում է կրտսեր դպրոցականի արժեքային կողմնորոշումների մեջ արժեքի ներմուծման, այլ արժեքների հետ նրա հարաբերակցության միջոցով՝ ըստ հուզական անդրադարձի և անձի համար արժեքի նշանակության աստիճանի:

հուզական արժեքային բաղադրատարրերի յուրացման ընդհանուր դիդակտիկական մեթոդների այսպիսի համակարգ.

- Համարժեք հույզերի մեթոդ,
- Հույզերի և արժեքների շեշտադրման մեթոդ,
- Հուզական-արժեքային հակադրությունների մեթոդ:

Համարժեք հույզերի մեթոդն այն է, որ կրտսեր դպրոցականներին մղում է ուսումնասիրվող օբյեկտի նկատմամբ հուզական անդրադարձի և ճանաչողական գործունեության: Այն թույլ է տալիս արժեքային կողմնորոշումների ձևավորումն իրականացնել դրանց յուրացման առաջին աստիճանում : Հույզերի և արժեքների շեշտադրման մեթոդը հնարավորություն է ընձեռում կրտսեր դպրոցականների կողմից գիտակցել յուրացվող արժեքների նշանակությունը: Այն սովորողների կողմից իրենց ապրումների կամ ուսումնասիրվող օբյեկտի նկատմամբ դրական հարաբերությունների ձևավորմանն ուղղված տարբեր միջոցների կազմակերպումն է: Հույզերի և արժեքների շեշտադրումն իրականացվում է արժեքների յուրացման գործընթացի երկրորդ աստիճանում, որտեղ արժեքների հուզական ընկալումն ամրապնդվում է սովորողների իմացաճանաչողական ոլորտի վրա ակտիվ ազդեցությամբ, որոնցից են ներշնչանքը, համոզմունքը, գնահատումը : Դպրոցական ուսուցման ընթացքում դրանց օգտագործման հնարավորություններն ուսումնասիրվել են տարբեր տեսաբանների ու հետազոտողների կողմից, դաստիարակությանը նվիրված աշխատություններում: Համոզմունքները, որպես անձի գիտակցված պահանջմունքներ, կապված են իրականության նկատմամբ գիտակցված և քննադատական վերաբերմունքի ձևավորման հետ, ներշնչանքի մեջ խտանում են այս կամ այն իրավիճակի վերաբերյալ տպավորված ապրումները: Գնահատումն անձի գործունեության համար օբյեկտի նշանակության բնութագրումն է՝ նրա պահանջմունքների բավարարման նպատակով: Այն դրսևորվում է անձի արդեն ձևավորված նախասիրությունների հիման վրա: Արժեքային կողմնորոշումների ձևավորման ընթացքում մեծ դեր է խաղում մանկավարժական գնահատումը, որը կանխատեսում և մեծ չափով նախապատրաստում է սովորողների կողմից արժեքների յուրացման աստիճանը : Հուզական-արժեքային հակադրությունների մեթոդի կիրառումը սովորողներին մղում է արժեքների յուրացման երրորդ աստիճանին: Այս մեթոդի էությունն այն է, որ հակադիր

արժեքների ցուցադրմամբ սովորողների մեջ համապատասխան հակադիր զգացումներ ձևավորվեն: Դրա շնորհիվ երեխաների մեջ արթնանում են հույզերի, զգացմունքների և դրական արժեքների գիտակցման համոզմունքներ, ապրումներ, որոնք և ձևավորում են անձի արժեքային կողմնորոշումների համակարգը: Կրտսեր դպրոցականների կողմից արժեքների յուրացման այսօրինակ մոտեցումը նպաստում է արժեքային ընտրության առավել գիտակցված և ինքնուրույն իրականացմանը: Ընտրությունը փոխադարձ բարդ համագործակցային գործընթաց է, որում առկա են հուզականային և ռացիոնալ բաղադրատարրերը, այսինքն արարքի հուզական ընկալումից մինչև տրամաբանական իմաստավորում: Դա կապակցված է ապրումների ու դրդապատճառների պայքարի հետ և բարենպաստ ազդեցություն ունի արժեքային կողմնորոշումների ավելի խոր ու արդյունավետ ձևավորման վրա : Տարրական ուսուցման ընթացքում նշված մեթոդներն կիրառվում են ` հաշվի առնելով առարկաների յուրահատկությունները: Դրանցում առկա նյութում հուզական անդրադարձը և արժեքային շեշտադրումները կարող են արտահայտվել երկակիորեն. նախ ինքնին ազգային մշակույթի արտահայտման ձև է, երկրորդ` դա այն աշխարհն է, որը շրջապատում է մեզ իր ողջ բարդությամբ, կապերով ու փոխհարաբերություններով: Արժեքային կողմնորոշումների ձևավորման գործընթացի բովանդակությունն ենթադրում է այնպիսի արժեքների ամբողջություն, որոնք ընտրված են տարրական դպրոցում ուսուցման նպատակների, կրտսեր դպրոցականների տարիքային առանձնահատկությունների և նրանց արժեքային կողմնորոշումների ձևավորման առանձնահատկությունների համադրման հիման վրա:

Այսպիսով 21-րդ դարի դպրոցում դաստիարակության և կրթական գործընթացի ճիշտ կազմակերպման համար շատ կարևոր են ոչ միայն համամարդկային, այլև հայրենի մշակույթի բարձրարժեք ստեղծագործությունների ուսումնասիրումն ու ուսուցումը: Այդ ստեղծագործություններում արտահայտված են մեր ժողովրդի հոգեկերտվածքը, աշխարհընկալումը, մարդասիրական գաղափարներն ու գալիքի երազանքները: Հայ ժողովրդի ավանդույթներում է, որ վառ կերպով արտացոլված են մեր ազգի ազգային հավաքական բնույթը, անդդվելի կամքը, ներքին զորությունն ու հնարավորությունները, ապրելու, վերածնվելու և հարատևելու ունակությունը, ազգերի պատմության մեջ իր արժանի տեղն ունենալու ձգտումը:

## 2. 2. Դասապլանների մշակումը և փորձարկումը մայրենիի դասաժամերին

Ստորև ներկայացված են մշակված ուսումնական պլանը, որի նպատակն՝ դաստիարակել ազգային և համամարդկային գծեր, ընդլայնել աշխարհի մասին ունեցած նրանց պատկերացումները, ունեցածը ճանաչելու և արժևորելու բարոյական որակներ: Նմանատիպ դասերը պետք է կրեն շարունակական բնույթ, որպեսզի արդյունքը լինի տեսանելի:

### Դասի պլան

#### *Առարկա – Մայրենի*

#### *Դասարան – 1*

#### *Դասի թեմա – «< Հայերենի տառերը >> բնագրի ուսուցում / էջ 110/*

#### *1-դասաժամ*

#### *Դասի նպատակը*

*Կրթական*՝ աշակերտներին ծանոթացնել «< Հայերենի տառերը >> բնագրի հետ: Ծանոթացնել բնագրի հիմնական հասկացություններին, նկարագարողումներին անրադառնալով՝ Վռամշապուհ, Սեսրոպ Մաշտոցի, Կորյունի նկարներին, փոքրիկ զրույց սկսել աշակերտների հետ: Բացատրել՝ տառերի ստեղծման մեջ նրանց դերը և ներդրումը:

*Զարգացնող*՝ զարգացնել գրելու և կարդալու տեխնիկան, նախապատրաստել ավելի բարդ տեքստեր, գեղարվեստական ստեղծագործություններ ընթերցելուն: Զարգացնել ճանաչողական կարողությունները, խոսքը և մտածողությունը:

*Դաստիարակչական*՝ Դաստիարակել ազգային և համամարդկային գծեր, ընդլայնել աշխարհի մասին ունեցած նրանց պատկերացումները, ունեցածը ճանաչելու և արժևորելու բարոյական որակներ:

*Սարքավորումներ*՝ գրատախտակ, գունավոր թղթեր, հայկական դրոշներ, այբուբենի տառերով տեսապաստառ և այլն:

*Մանկավարժական տեխնոլոգիաների կիրառում*՝ զարգացնող և խաղային տեխնոլոգիաներ:



**Դասի տիպը**- նոր նյութի մատուցում և ամրապնդում = համակցված դաս:

**Մեթոդներ և միջոցներ** խաղ՝ <<Ջինվոր տառերը>>, կարդալու և պատմողական մեթոդներ, ուշադրությունն կետրոնացնող մեթոդներ, խմբային աշխատանք :

**Դասի ընթացքը՝**

- **Կազմակերպչական մաս**  
Կատարել հաշվառում, ներկայացնել նոր դասի վերնագիրը: Լուծել կարգապահական խնդիրները:
- **Նոր նյութի բացատրություն**  
Բացատրել նոր նյութը օգտագործելով աշակերտների գիտելիքները:
- **Նոր նյութի ամրապնդում**  
Ստուգել նոր նյութի ընկալումը հարցերի միջոցով:
- **Դասի անդրադարձ և եզրակացում**  
Ամփոփել դասը, նշել կարևոր դրույթները:

**Նոր նյութի բացատրություն**

Դասի բացատրությունն սկսել էջի նկարազարդումների բովանդակությամբ:



Պատմել տառերի ստեղծման պատմությունը, կազմակերպել էքսկուրսիա դեպի Օշական, <<Այբուբենի>> հուշարձան: Հաջորդ օրը հարցնել տպավորությունների մասին: Էքսկուրսիան կունենա ճանաչողական նշանակություն, աշակերտներին պետք է սովորեցնել արժևորել դրանք , քանի որ դրանք ազգային արժեքներ են մեր հայերիս համար: <<Այբուբենի>> հուշարձանի մոտ կազմակերպել ազգային երգի պարի մրցույթ , աշակերտներին հնարավորություն տալ ցույց տալ իրենց կարողությունները , կրկին նպաստելով ազգային արժեքների ձևավորմանը:

Հայրենի տառերը համեմատել զինվորների հետ, դրանց շնորհիվ մենք գրում ենք մեր խոսքը, դրա շնորհիվ ունենք հայոց պատմությունը, հեքիաթներ, բանաստեղծություններ և այլն:

Դուք պետք է լավ սովորեք, որպեսզի գրագետ լինեք՝ կարողանաք կարդալ. գրել և պատմել:

Կարդալ բնագիրը աշակերտների համար, բացատրել անժանոթ բառերը՝  
*հաստատուն շարք, խրոխտ զինվորներ, ճշմարտախոս զինվոր* և այլն:

### **Նոր նյութի ամրապնդում**

*Աշակերտներին բաժանել չորս խմբի, և բոլորին տալ դրոշներ:*

*Նախապես պատրաստել հարցեր, հանձնարարել պատասխանելու դեպքում բարձրացնել դրոշները:*

- *Ինչի՞ մասին է այս պատմությունը;*
- *Ի՞նչ է այբուբենը*
- *Ո՞վ է Մեսրոպ Մաշտոցը*
- *Ինչու՞ ենք սովորում տառերը:*
- *Ինչու՞ են տառերը համարվում զինվորներ:*
- *Հայերը պետք է խոսեն \_\_\_\_\_:*

### **Դասի անդրադարձ և եզրափակում**

Երաժշտական ֆիզկուլտ դահլար:

Լսել երաժշտական այբուբենը, կրկնել և ամրապնդել այն:

<https://www.youtube.com/watch?v=Js5yWv4oSkI>

Խաղային տեխնոլոգիայի կիրառում.

Խաղ՝ <<Զինվոր տառերը>>

Քանի որ արդեն նշել ենք, որ հայրենի տառերը հայոց զինվորներն են, աշակերտներին հանձնարարել դասավորել այուբնի տառը ճիշտ հերթականությամբ, դրոշի դիմաց պաշտպանելով մեր երկիրը: Ջարգացնել աշակերտների բարոյական որակները, ցույց տալ գրագետ լինելու նշանակությունը ազգապահպանության գործում:



## 2-դասաժամ

### Դասի խնդիրը՝

- Բացահայտել աշակերտների մոտ ձևավորված ազգային արժեհամակարգի պատկերը, թե ինչպե՞ս են ընկալում աշխարհը և իրենց երկիրը:

Դասի արդյունավետությունը ստուգելու նպատակով դասընթացը կազմակերպել հետևյալ ձևով:

Աշակերտներին բաժանել հինգ խմբի, հանձնարարել նախապես պատրաստել նկարչական պարագաները և իրենց պատկերացմամբ նկարել Հայաստանը:

Հանձնարարություն կնպաստի աշակերտների ստեղծագործական կարողությունների զարգացմանը, ինչպես նաև թույլ կտա հասկանալ նրանց աշխարհընկալման մակարդակը:



Ըստ աշակերտների կատարած աշխատանքի, կատարվեց մանկավարժահոգեբանական վերլուծություն և պարզ դարձավ.

Աշակերտները հայրենիքը ասոցացնում են՝ Արարատ լեռան պատկերի, հայկական դրոշի, տան, զինվորի, բնության վառ պատկերների հետ:

Նրանց պատկերավոր հիշողության մեջ տպավորվել էր <<Հայերենի տառերը >> բնագրի նկարագարումները: Այս ամենը կապված է նրանց տարիքային առնաձևահատկությունների հետ, այս տարիքի աշակերտները ունեն զարգացած պատկերավոր հիշողություն :

## ԵԶՐԱԿԱՑՈՒԹՅՈՒՆ

Մեր կատարած դիտարկումների արդյունքում եզրակացրեցինք հետևյալը.

- Հետազոտական աշխատանքի ընթացքում տեսական ուսումնասիրություններից պարզ դարձավ ,որ գրաճանաչողության գործընթացում գոյություն ունեն ժամանակակից մեթոդներ, որոնք հնարավորություն են ընձեռնում կրտսեր դպրոցականների հետ իրականացնել դաստիարակության տարբեր տեսակներ`հենվելով ազգային և համամարդկային արժեքների ձևավորման վրա:
  
- Ազգային և համամարդկային արժեքների ձևավորման ուղիները առաջին դասարանցիների մոտ ներառում է յուրացման ընդհանուր դիդակտիկական մեթոդների այսպիսի համակարգ ինչպիսիք են՝ համարժեք հույզերի մեթոդը, հույզերի և արժեքների շեշտադրման մեթոդը, հուզական-արժեքային հակադրությունների մեթոդը:
  
- Մշակված ուսումնական պլանի կիրառմամբ`կատարեցինք մանկավարժահոգեբանական վերլուծություն,որի պատկերը հետևյալն է.
  - ✓ Աշակերտները հայրենիքը ասոցացնում են՝ Արարատ լեռան պատկերի,հայկական դրոշի,տան,զինվորի, բնության վառ պատկերների հետ:
  - ✓ Նրանց պատկերավոր հիշողության մեջ տպավորվել էր <<Հայերենի տառերը >> բնագրի նկարագարողումները:Այս ամենը կապված է նրանց տարիքային առնաձնահատկությունների հետ ,այս տարիքի աշակերտները ունեն `զարգացած պատկերավոր հիշողություն :

## ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Ա. Գևորգյան, Ազգային կրթության դերն ու նշանակությունը սովորողների հայեցի դաստիարակության գործընթացում, Եր., 2002
2. Ա. Պետրոսյան<< Գրաճանաչության և նրա ուսուցման արդի պրակտիկան>> – սեղմագիր-2014
3. Գյուլամիրյան Զ.Հ <<Հայոց լեզվի տարրական ուսուցման մեթոդիկա>>-2014թ
4. Գյուլամիրյան Զ., Մայրենիի ուսուցման մեթոդիկա, Ե., Ջանգակ, 2018թ.
5. Վարդումանյան Ս.Ժամանակակից մանկավարժական մոտեցումներ ծեռնարկ-2005թ.
6. Маслов С.И. Эмоционально –ценностное образование младших школьников-1999
7. П.М. Машерова-<<Методика обучения грамоте и каллиграфии>>-2022г.